

## Universitätsbibliothek Paderborn

### M. Fabii Quintiliani Institutionum Oratoriarum Libri Duodecim

Summa diligentia ad fidem vetustissimorum codicum recogniti ac restituti

M. Fab. Quintiliani Declamationes Undeviginti. M. Fabii Avi Et Calpurnii  
Flacci Declamationes. Auctoris Incerti Dialogus De causis corruptae  
Eloquentiae - Cvm Variorum Notis

**Quintilianus, Marcus Fabius**

**Lugd. Batav. ; Roterodami, 1665**

CCCLXXV. Fortis, filius prodigionis rei, frater desertoris.

**urn:nbn:de:hbz:466:1-12889**

## CCCLXXV.

*Fortis, filius prodigionis rei, frater desertoris.*

Prodigionis reo patre, alter ex filiis deseruit, alter fortissime pugnabit. Rogavit pater, ut abolitionem suam optaret. Ille fratri imputatem optavit: & in judicio affuit patri. Pater absolutus abdicat ille C. D.

## DECLAMATIO.

Fateor, non possum lusus arguere, qui donari ætati possunt. Non est luxuriosus, sed contumax: hæc minus ferenda sunt vitia. Dicas licet fortissimum. quid mihi prodest, <sup>1</sup> si magis patrem non temnis? Mea, inquit, lex est. Quicquam tibi me vivo tuum est? Ego te in aciem misi, mea est virtus, mea lex, mea optio. Non iniquam rem postularem, si dicerem, Amicum reum vindica: <sup>2</sup> quid si patrem, etiam innocentem? Urget conspiratio. Sed turpis est, inquit, abolitio. Quid ad te? Ego meæ conditio-  
nis arbiter sum. Sed, inquit, supervacua erat: innocens eras: quid autem? Ego quia nocens eram, petieram? ve-  
rebar fortunam judiciorum & exempla. Sed fratri, inquit,  
salutem optavi. Jam ergo noli dicere. Supervacua aboli-  
tio fuit: alium enim mihi prætulisti: & innocentem nocen-  
tem: reo damnatum, qui certo perire debebat. Si miser-  
eris tuorum, eos saltem adjuva, de quibus judex etiam-  
num dubitat. Quid ergo, inquit, periisset? Si me inter-  
rogas, occupatus sum, non audio. Si patriam, desertor  
est. Quædam, judices, comparatio minuit: per se cru-  
dele fuit, perire fratrem: sed comparatum mihi, tolera-  
bile. Quid ergo? Ego periisse? Fratrem, inquit, ser-  
vavi. Itaque <sup>3</sup> nunc frater te abdicat: ille beneficii gratiam  
debet,

<sup>1</sup> Si magis patrem non temnis.] Aro-  
dius: patrem contemnis? Forte: si magis  
patrem hoste temnis. Nam fortis viri est  
hostem temnere haec tenus, ut eum non  
metuat. Gronovius.

<sup>2</sup> Quid si patrem, etiam innocentem?  
Urget conspiratio.] Sic & Arodius. Ut

sensus appareat, distingue: Non iniquam  
rem postularem, si dicerem, Amicum vin-  
dica: quid si patrem? Etiam innocentem ur-  
get conspiratio. Idem.

<sup>3</sup> Nunc frater.] Vet. cod. fr. a. vid. leg.  
pater. Pithœus.

debet, ego peccati pœnam. Sed quid si non pietati servisti, sed ut me occideres? quantum in te fuit, damnatus sum. Adfui, inquit,<sup>1</sup> alioqui abdicareris tantum.

## CCCLXXVI.

*Expositus juratus ob nuptias educatoris filiae.*

<sup>2</sup> Quidam moriens adolescenti, quem pro filio educaverat, indicaturum se veros parentes pollicitus est, si jurasset se filiam, quam relinquebat, ducrum uxorem: Juravit adolescens: <sup>3</sup> ille deceffit: post mortem educatoris, à naturali patre receptus, quia non vult orbam divitem ducere uxorem, abdicatur.

## DECLAMATIO.

**A**bdicat tam cito? si non eram idoneus, non eram recipiendus. Tam exiguo tempore quid peccare potui? etiam si quid peccavi, ignoscere: nondum novi mores tuos. Novitiis etiam servulis ignoscitur. Sed quid objicis? Uxorem, inquit, non ducis, quam volo. Quid tum? nescis nostri arbitrii esse matrimonia? Affectus nostri vobis non serviunt. Non potes efficere imperio, <sup>4</sup> ut vel amem quem velis, vel oderim. Matrimonium vero tum perpetuum est, si mutua voluntate jungitur. Cum ergo queratur mihi uxor, socia tori, vitæ consors, in omne seculum mihi eligen-

<sup>1</sup> *Alioqui abdicareris tantum.*] *Erodius*: *Affui (ingnit) alioqui. abdicareris tamen.* Rectius *Pithœus*. Sensus: si non adfuisses, abdicareris tantum, non etiam responderes. nihil fore, cur recusares abdicari. *Gronovius*.

<sup>2</sup> *Quintilianus lib. 7. cap. 2.* Quædam in scholasticis controversiis pontintur, ad conjungendam modo actæ rei seriem: ut, Pater, expositum qui agnoverit, solus alimentis recipiat. Minus dicto audientem filium licet abdicare. Qui expositum recepit, imperat ei nuptias locupletis propinquai: ille ducere vult filiam pauperis educatoris. Lex de expositis, ad affectum pertinet, judicium pendet ex lege abdicationis. *Erodius*.

<sup>3</sup> *Ille deceffit.*] Sup. pater educator. nam duxit, pro dixit, reponere omnino non possumus: cum ex sequentibus, & ex adducto illo à me Quintiliani loco, appareat, non id agi, ut eā, quæ jam ducta sit, repudiata, orbam divitem ducat: sed pater unam ducere filium jubet, vult filius alteram. Aut vero ita legendum est, *ille dotem dixit:* quantacunque videlicet à paupere educatore dici potuit. Ulpianus tit. de dotibus, Dos aut datur, aut dicitur, aut promittitur, &c. Cicero pro Flacco, Quæcumque sine tutori auctore dos dicta est, nulla est. *Idem*.

<sup>4</sup> *Ut amem, quem velis.*] Immo quam velis. *Gron.*